

**Protocol da la sezzüda dal Cussagl cumünal da lündeschi,
18 mai 2009, a las 20.00, acta 17**

Preschaints: Jon Carl Rauch; Chasper Alexander Felix,
Marianne Werro-Lehmann, Jachen Andri Schmidt e
Georg Salomon

Rico Zini (protocol)

Tractandas:

142. Protocol

Il Cussagl cumünal approva il protocol da la sezzüda dals 11 mai 2009, acta 16.

Protocol

143. Orientaziuns

1. Plazza da giovar e da sport

Il capo orientescha ch'el saja gnü fat attent chi detta glied chi pischa impè dad ir in tualetta be dasper la piazza o in üerts privats. Il Cussagl cumünal manaja ch'in connex cul nouv lavuratori cumünal saja l'access pro las tualettas plü simpel. Implü gnarà insembel cullas tablas da las reglas segnà il lö da las tualettas plü bain. Quista problematica gnarà discutada amo illa cumischiun da la piazza da sport.

Orientaziuns

144. Permiss da fabrica – Felix Jon Curdin – Cuntschet, parcella 467

Sün dumonda da sar Jon Curdin Felix decida il Cussagl cumünal da dar il permiss per far la lavur seguaintamaing:

1. Tenor la dumonda acclus al permiss.
2. Il Cumün inchascha üna taxa da trattamaint da fr. 50.--.

Permiss da fabrica,
Jon Curdin Felix,
parcella 467, Palüzot

145. Dumonda per far ün chomp gio'l Plan da la Amuras

La Jungwacht/Blauring Rüti dumonda sch'els pon far ün chomp per duos eivnas gio'l Plan da la Amuras. Il Cussagl cumünal decida dar il permiss, tanter oter cun seguaints obligs:

1. Taxa: fr. 500.-- + las taxas da cura.
2. Els han dad installar sacrets (Toi Toi).
3. Per ütilisar la via champestra han els da cumprar las vignettas toccantas.

Dumonda da campadi,
Jungwacht Rüti,
Plan da las Amuras

146. Dumonda – Urna Anna Pult (fossa privata)

Sar Jon Andri Pult dumonda cun charta da pudair sepulir l'urna da sia mamma, Anna Pult, ch'id es morta las 29 avrigl 2009 in Italia in lur fossa privata a Sent. Il cussagl cumünal decida cha quai saja in uorden.

Urna Anna Pult

147. Invid da Celin I. vents

Il capo orientescha cha'ls 26 gün 2009 haja lö üna dieta, organisada da Celin I. vents da sar Angelo Andina, cul tema "L'avegnir da l'economia da nossa regiun". Trais cusgliers piglian part a quista dieta interessanta.

Invid Celin I. vents

148. Resultats da "l'Arena" dals 16 marz 2009

Il Cussagl cumünal repassa las respostas e'ls resultats d'ün questiuari cha'ls partecipants da l'Arena, organisada da sar Cla Sarott, han elavurà. Divers temas, cha tenor quellas 21 persunas han da gnir tut per mans, sun però fingià inviats e per part eir fingià realists. Sco ch'els manzunan eir sves in lur seguond Mas-chalch alternativ nun es quista gruppa rapreschantativa per tuot il cumün da Sent. Il Cussagl cumünal es però da l'avis da tour serius ils tschögns da quista gruppa chi s'occupa cul avegnir da nos cumün.

Arena

149. Sairada d'infuormaziun (iniziativa)

Il Cussagl cumünal decida dad invidar a las 59 personas chi han pretais da far üna sairada d'infuormaziun e da respunder sün lur 17 dumondas fattas. Quista sairada ha lö als 3 gün 2009.

L'orientaziun publica a regard la zona da planisaziun segua plü tard.

Sairada d'infuormaziun

150. Dumondas per alpagnar muvel ester sün territori da Sent

Il schef da god e pauraia prelegia las seguintas dumondas per alpagnar muvel ester sül territori da Sent:

- Società alp e chascharia ca. 80 armaints süts e 5 vachas
- Società da chavras üsols da Ftan e d'Ardez

Il Cussagl cumünal decida, culla perinçletta da las differentas societats paurailas, da laschar alpagnar a quistas bes-chas sün territori da Sent.

Alpagnar muvel ester

151. Spostamaint dal trafo a Vnà – Credit da fr. 63'000.--

Il schef d'energia orientescha cha'l Cumün da Ramosch haja da translocar la staziun da transfuomatur sü Vnà. Causa cha Sent retira da là davent la forza per Zuort e Sinestra s'haja da's participar landervia.

Il Cussagl cumünal decida da far bun quist import per til manar avant radunanza cumünala.

Trafo Vnà

152. Diversas schefs

1. Cumün da padrinadi Therwil

La piazza da giovar es bod a fin. I's prevezza dad invidar al Cussagl da Therwil per üna pitschna inauguraziun. Implü invida il cumün da Therwil a quels chi Giovan a ballarait beach ad ün turnier (Schweiz bewegt sich) chi ha lö als 22 avuost 2009.

Diversas schefs